

飄魂海外更覺心傷爰貸貲遠來親臨視察萬懇鈞座俯念忠魂惻憐無告一面照例頒卹俾有運
柩及贍養之貲一面發給護照並照會外國領事俾得骸歸故土厝葬祖塋不但生者啣感胞兄之
靈亦可瞑目地下矣伏叩上陳敬祈垂鑒等情據此查已故團長潘寶壽疆場殞命忠勇可嘉且其
遺屬孤貧尤堪惻憫據呈前情理合備文轉呈請祈

鈞座察核援例給卹以慰忠魂並祈發給護照照會外國領事俾得運柩通行骸歸故土所有轉請
給卹發照通行各緣由是否有當伏候

指令祇遵謹呈

海陸軍大元帥


滇軍總司令楊希閔

中華民國十三年一月十四日

大元帥指令第六七號

令廣東省長廖仲愷

呈爲香山縣長朱卓文呈請撤銷香山田土業佃保証局碍難照准乞示遵由
呈悉應如所議辦理仰卽轉行遵照此令



中華民國十三年一月十七日

附原呈

呈爲呈請事現據財政廳長梅光培呈稱據香山縣縣長朱卓文呈稱本年十二月二十一日奉鈞廳委兼香山經界分局局長所有奉委開辦日期除另文呈報外但關於辦理經界阻碍之處不能不預請鈞廳裁奪之查中國田畝未清理者爲時已久以故膏腴轉成沙坦澤藪已變爲肥田者不知凡幾更有契典隱詭過割不清或種無糧之地或納無地之糧不爲清理必致病民今設局辦理經界仰見鈞廳蠲除畝累保證民權之至意惟經界事務宜從調查測丈入手經調查測丈之後方能整理田賦保證業佃乃現在職縣有田土業佃保證局之設地方頗多疑慮該局辦法雖照佃約徵收而徵收悉以契照所載之地畝爲根據如未開辦經界地方政府爲保證業佃起見不妨從權辦理稍資挹注職縣既着手辦理經界則該局已無設立之必要一俟經界釐定隨即兼辦田土業佃保證手續既省於民亦覺便利若分途並進人民既厭其繁苛進行亦多所窒碍管見所及理合具文呈請鈞廳轉呈省長飭將香山田土業佃保證局撤銷以一事權而免阻碍實爲公便等情到

廳據此理合轉呈察核指令飭遵等由查田土保証局之設原案聲明業主加租佃戶霸耕往往發生爭訟官廳處分訟事悉以批約爲斷因議設局爲租賃批約之保證論其性質固與經界兩不相涉按之事實自與經界不妨并行且此項收入業奉

帥令專撥國立師範學校比因學款緊急經由該局先行籌款借墊并奉

帥府續頒明令由省長通飭所屬無論何項機關不得任意提借各縣軍警隨時認真協助以維教育而利進行等因是

大元帥注重教育正在極力維持縱如香山朱縣長所陳人民頗多疑慮亦應明晰開導以釋羣疑此事一方面爲田土弭租賃之爭一方面爲學費收補助之效設或停頓則前之借墊無可清償後之學費頓停支付殊違當日統籌兼顧之意所請撤銷俟經界釐定後再行兼辦田土業佃保證碍難照行理合錄案呈明

帥座示遵以便再行通令遵照免生疑阻而碍進行實爲公便謹呈

陸海軍大元帥

中華民國十三年一月十四日

廣東省長廖仲愷